

§. V.

Qualis est *quidditas*, talis etiam sequitur *proprietas vere summa, vere divina*, unde titulus notat primo *Axioma primitatis*, quod Prot-Evangelium sit *primum salutifera Christologias Compendium*, (a) quia primum ex arcanis divinorum decretorum de salute peccatorum per divinam manifestationem prodiit. (b) Quia primum ex salutifera sapientia divinæ veritatis ad miseros peccatores transit. (c) Quia primis peccatoribus Protoplastis Adamo & Evæ per divinam gratiam contigit. (d) Quia statim post lapsum ad peccatorum erectionem & consolationem per divinam misericordiam est manifestatum. (e) Per dictaturam primam ab auctore salutis Deo glorioso, Compendium hoc Christologias salutifera primis hominibus, & omnibus eorum posteris est publicatum, ut inde cunctis miseris peccatoribus hoc mysterium salutis innotesceret, & per salutiferam gratiam perpetuam inter damnandos peccatores *περὲν* & *γενῶν* inveniret. (f) Quia primum in Scriptura divina vere prima vel antiquissima, Gen. III. v. 15. locum obtinuit. (g) Quia nullum Christologiæ salutifera Compendium in toto Codice Scripturarum ante Prot-Evangelium invenitur, & si sic optimo jure hoc primum salutifera Christologias juxta divinam veritatem & voluntatem est & dicitur.

§. VI.

Secundo *Axioma primitiva veritatis, sinceritatis, puritatis & auctoritatis*, dum in titulo, *Compendium primitivum* appellatur, tum propter *divinum ortum*, quia primum ex divina decretorum æternorum mentis & voluntatis divinæ tantum huic non autem alii *Compendio Christolo-*

*stolo-*